



UPA 2026/136

21/05-2026

Justus Hansen

Nunatta kangianut tulluarsakkamik ilinniarfimmik, Tasiilami inissineqartussamik pilersitsinissaq pillugu Naalackersuisut siunnersuusiornissamik peqquneqarnissaannik Inatsisartut aalajangiiffigisassaattut siunnersuut. Ilinniarfik assigiinngisitaartumik ilinniarfiullunilu piginnaasaqalerfiunissaa tungavigineqassaaq. Siunnersuut UPA2027-mi saqqummiunneqassaaq.

(Inatsisartunut ilaasortaq Nivi Rosing, Inuit Ataqatigiit)

(Siullermeerneqarnera)

Inatsisartuni ilaasortamut Nivi Rosingimut siunnersuuteqarninnut qujanaq.

Pingaaartuuvog, uagut inuiaqatigiittut nuna tamakkerlugu isiginninnissarput. Tunumi eqqortumik misigisitsisoqarsinnaavoq periarfissanut, allat pissusissamisuuginnartutut isigisaannut, ungasissorujussuunerannik. Taamaattumilluuna uagut akisussaaffigipput piviusoq taanna ataqqinninnermik, nalitut aammalu piunassuseqavittumik pitsaanagerusunik sinaakkusiinissamik takutitsissalluta.

Tunu avinngarusimasumiinngilaq. Inuiaqatigiitsinnili akuulluarluni iluatinnaateqartuulluni. Tamanna takuneqassaaq periarfissani uagut tunniussatsinnit. Minnerunngitsumik ilinniagaqalernissamik periarfissat eqqartortillugit.

Ullumikkut piviusoq unaavoq, inuusuttorpassuit Tunumi ilaqqatit avatangiisitillu toqqissisimanartut ukiukillutik qimattariaqartarlugit alloriaqqinniarlutik ilinniarnermi. Aalajangerneq annertoq inuusuttuaqqamut. Tamanna inerisimanermik pisariaqartitsivoq, aammattaarli ujariatsinermik kinguneqartarluni. Ilaannut periarfissaaq. Ilaannullu akimmiffik.

Ilinniarneq eqqartortillugu, fagitigut ilinniarnerninaq pineq ajorparput. Aammali toqqissisimaneq, attaveqarneq naammassinnissinnaanermullu piginnaaneqarneq. Taamaattumik pissusissamisoorpoq aperissalluni, naammaginnartumik aqqissuussaaneqarput ilusilersorsimaneripput, aamma Tunumi inuusuttunut atorsinnaanngorlugu.

Demokraatit ilalernartippaat, sammisaaq ukkatarineqalermat. Ammaffigaarput misissussallugu, tigussaasumik suut iluatsissinnaanersut, aammalu pitsaaneqarneq qanoq aqqissuunneqarsinnaanersut. Aammattaarli pingaaruteqarpoq, suliaq sukumiisumik akisussaassuseqartumillu pissasoq, aqqiissutit fagitigut attanneqarsinnaallutik aammalu aningaasatigut piviusorsioortuullutik.



Taakku toqqammavigalugit Naalackersuisut allannguutissatut siunnersuutaat akuerineqarnissaa innersuussutigalugu siunnersuullu Kultureqarnermut, Ilinniartitaanermit, Ilisimatusarnermit Ilageeqarnermullu ataatsimiititaliami suliareqqinneqarnissaanut ingerlateqqipparput.